

*Жаңа түскен басылымдардың
виртуалды көрмесі*

№ 5, 2018


*Виртуальная выставка
новых поступлений
научных изданий*



Назарбаев Н.


Көші-қон және қазақ әлемі: баяндамалар, мақалалар және сыр-сұхбаттар. - Астана: Фолиант, 2017. - 360 бет.

Дүниежүзі қазақтарының V құрылтайына орай жарық көріп отырған бұл кітапқа Қазақстан Республикасының Тұңғыш Президенті Н.Ә. Назарбаевтың еліміздің тәуелсіздік жылдарындағы көші-қон саясатына, сондай-ақ халқымыздың мәдениеті мен тарихына, бүгінгі мен болашағына қатысты сөйлеген сөздері, жасаған баяндамалары, жарық көрген мақалалары мен бұқаралық ақпарат құралдарына берген сыр-сұхбаттары топтастырылған.




Жалаири Ө.Ш. Ел басы біреу ел оған тіреу Алматы: «Алатау» баспасы, 2017, 432-бет қазақ-орыс тілдерінде

Отандық мемлекеттік құрылысты нығайту және мемлекеттік басқару саласында ерен еңбек етіп жүрген көрнекті қоғам қайраткері, белгілі ғалым, заң ғылымдарының докторы, профессор Өмірәлі Шақарапұлы Жалаиридiң бұл кітабында оның негізгі еңбектері «Конституционно-правовые основы организации государственной власти в Республике Казахстан в соответствии с принципом ее разделения на ветви» монографиясы, басқа да мақалалары, белгілі қоғам қайраткерлерінің ғалым туралы пікірлері қамтылды.




Қазақ тілін оқытуда жағдаяттық тапсырмаларды қолдану: әдістемелік құрал / Құрастырған: А.Б.Мурсалимова. - Өскемен: ШҚ лингвистикалық орталығы, 2017. - 63 б.

Әдістемелік құрал тіл оқыту орталықтарының оқытушыларына көмекші құрал ретінде ұсынылады. Оқу құралында берілген жағдаяттық тапсырмалар А1 қарапайым, А2 базалық, В1 орта, В2 ортадан жоғары деңгей тіл үйренушілеріне бейімделіп жасалған.



Оқытудағы жаңа әдіс-тәсілдер қоржынынан / Құрастырған: Н.Қ.Есбосын. - Қызылорда: №10 дарынды балаларға арналған облыстық «Білім-инновация» лицейі, 2017. - 127 б.


Оқу құралында соңғы жылдары әдістемемізге еніп жатқан жаңа әдіс-тәсілдер мен жаттығулар, рефлексия мен кері байланыс, тренингтер мен ойсергектер, ойындар жинақталған. Оқу үдерісіне шығармашылықпен қолдануға ұсынылатын бұл көмекші құралдағы материалдар алғаш рет әліпбилік жүйемен беріліп отыр.



Кванттелген мәтіндердің және тест түріндегі тапсырмалардың әзірлемесі / Құрастырған: А.А. Аменова. - Бесқарағай, 2017.-71 б.

Берілген мәтіндер арқылы ересектерге мемлекеттік тілді оқыту бойынша білімдерін бақылау үшін тест тапсырмалары құрылған. Мәтіндердің саны - 19, ал оған құрылған тест тапсырмалары 200-ді құрайды.

Бұл жинақтың соңында тест сұрақтарының жауаптары қоса берілген.



Иманасов С. Шығармалар жинағы, Сәкен Иманасов - Алматы: «Алатау» баспасы, 2017. Т- IV - 480 б

Халықаралық «Алаш» әдеби сыйлығының иегері, ҚР еңбек сіңірген қайраткері, қазақтың көрнекті ақыны Сәкен Иманасовтың таңдамалы шығармалар жинағының төртінші томына оның жастық шақтағы кейбір сәттері мен қызметтік кезеңдегі замандастары жайлы жазылған естеліктері еніп отыр. Оқырманға бір ескерте кететін жағдай, ақынның бұл жинағы баспаға бесінші томнан кейін дайындалғандықтан, оның туғанына 75 жыл толуына арналып өткізілген республикалық жыр мүшәйрасының материалдары да қамтылды.



Қашқари М.


Түрік сөздігі. 1,2,3-том / Аударған А. Егеубай. - Алматы: Арда+7, 2017

Т. 1. - 592 б.

Т. 2. - 528 б.


Т. 3. - 600 б.

Бұл жинақ бүгінгі күні Елбасымыз көтеріп отырған халқымыздың Рухани жаңғыру үрдісіне айрықша ықпал ететін, ұлтымыздың рухани қазынасына қосылып отырған баға жетпес мұра. Түркі әлемінің ғұламасы, парасатты ғалымы Махмұт Қашқаридың «Түрік сөздігі» қазақ тіліне тұңғыш рет аударылып, жарық көріп отыр. Сөздікті ана тілімізге аударған және алғы сөзін жазған - ақын, тәржімашы, ғалым Асқар Егеубай еді.



Кистаубаева, Аида Сериковна. Биотехнологиядағы процестер мен аппараттар негізі : Оқу құралы / Кистаубаева, Аида Сериковна ; Әл-Фараби атынд. ҚазҰУ. - Алматы : Қазақ университеті, 2017. - 206 б.

Оқу құралында биотехнологияның негізгі аумағына, биотехнологиялық өндіріске қажет шикізаттарға, дайындау әдістеріне сипаттама берілген. Микробиологиялық синтездеуге, негізгі процестер мен биотехнологиялық өндірісте қолданылатын қондырғыларға, өсу фазасына және процесті математикалық модельдеуге, масштабтауға сілтемелер ұсынылған. Алынған дайын өнімді бөліп алуға, тазалауға және қауіпсіздігін қамтамасыз етуге бағдарлар жасалынған.



Тарази, Әкім. Шығармалары. Т.8: Күлмейтін комедия. Драмалар / Тарази, Әкім. - Астана : Фолиант, 2017. - 480 б.

Көрнекті жазушы-драматург, Мемлекеттік сыйлықтың иегері Әкім Таразидің VIII томына драмалық жанрдағы шығармалары «Күлмейтін комедия» деген атпен топтастырылып отыр. Проза жанрында өзіндік қолтаңбасымен ерекшеленген қаламгердің пьесалары да әр түрлі тақырыпта оқырманға ой салады.



Мадимарова, Гүлмира Сурабалдиевна.


Инженерлік геодезия : Оқу құралы / Мадимарова, Гүлмира Сурабалдиевна, Сулейменова, Диана Нурбакытовна; Әл-Фараби атынд. ҚазҰУ. - Алматы : Қазақ университеті, 2017. - 220 б.

Оқу құралында «геодезия және топография негіздері», «Инженерлік геодезия», «Құрылыс-монтаж өндірісіндегі геодезиялық жұмыстар» пәндерінен оқу жоспарларына сәйкес топогеодезиялық және инженерлік құрылыс кездеріндегі жұмыстардың барлығы дерлік толық қамтылған.



Жалпы астрономия: Оқу құралы / Әл-Фараби атынд. ҚазҰУ. - Алматы: Қазақ университеті, 2017. - 194 б.

Оқу құралы 4 тараудан тұрады: бірінші тарауда сфералық астрономия негіздері бойынша мағлұматтар келтірілген: аспан координаттарының жүйелері, Жер қозғалысы, уақыт санау жүйелері, жұлдыздар орналасуын бұрмалайтын эффектілер сөз болады. Екінші тарау аспан механикасының элементтеріне арналған. Мұнда планеталар қозғалысы, олардың ерекшеліктері мәселелері қарастырылған. Үшінші тарауда астрофизика саласының негізгі түсініктері сөз болады: Күн, оның радиосәулеленуі, жұлдыздар, олардың түрлері, спектрлік классификациясы, Галактикалар эволюциясы мәселелері қарастырылған.




Бозоқ аруы: Танымдық-көпшілік басылым / Құраст.: Ш.Бейсенова,Ж.Әскербекқызы. - Астана : Фолиант, 2017. - 208 б.

«Ұлы Дала Арулары» топтамасымен шығып отырған екінші кітап - «Бозоқ аруы» аталады. Жинақ екі бөлімнен тұрады. Бірінші бөлімде археологиялық қазбадан табылған айымдар, сондай-ақ әйел-ана балбал мүсіндері туралы мәліметтер фольклорлық мұрамен сабақтастырыла қаралып, танымдық, ақпараттық баян түрінде ұсынылған. Екінші бөлім ұлт тарихынан ерекше орын алып, ел жадында сақталған әулие аналар өмірінен сыр шертеді.




Дүйсебекова,Күләндә Сейтбекқызы.Деректер қорлары жүйелері : Оқу құралы / Дүйсебекова,Күләндә Сейтбекқызы, Көпбосын, Ләйлә Серікбекқызы; Әл-Фараби атынд. ҚазҰУ. - Алматы : Қазақ университеті, 2017. - 214 б.

Оқу құралында қатынастық деректер қорлары туралы жалпы түсініктер қарастырылып, модельдеріне сипаттама берілген. Деректер қорларын логикалық, инфологиялық және физикалық жобалау мәселелері қарастырылған.




Ақжігітов, Ерболат Әжімұлы. Жоғары математикадан есептер мен жаттығулар : Оқулық. 2-бөлім / Ақжігітов, Ерболат Әжімұлы, Тілепиев, Мұрат Шәпенұлы. - Астана : Фолиант, 2017. - 328 б.

Оқулық екі бөлімнен құралып, жеке-жеке кітап болып шығып отыр. Қолымыздағы екінші бөлімде көп айнымалы функциялар, олардың дифференциалдық және интегралдық есептеулері, дифференциалдық теңдеулер, қатарлар теориясы, ықтималдықтар теориясы бойынша қысқаша теориялық материалдар, олардың әрқайсысы үшін есептер мен жаттығулар берілген, сонымен қатар оларды толықтыратын таңдалып алынған үлгі-мысалдар шешулерімен көрсетілген.




Ахметов, Аманбай. Мал шаруашылығындағы логистика : Оқу құралы / Ахметов, Аманбай, Жолмырзаева, Рауан, Бердалина, Ақнұр; ҚР БҒМ, ҚазҰАУ. - Алматы : KazBookTrade, 2017. - 155 б.

Бұл оқу құралы мал шаруашылығындағы логистика туралы. Мал және мал өнімдерін тасымалдау, оның бүгінгі замандағы қызметі жайлы, әлемдік барлық тәжірибелерге сүйене отырып жазылған мазмұнды еңбек. Қазіргі кезде малдың алуан түрлері мен оның өнімдері әлемнің кез келген бұрышынан ұзақ және жақын арақашықтықтарға автокөліктермен, пойыздармен, су және әуе жолдары арқылы тасымалданады. Мал және мал өнімдерін тасымалдау саласында мал дәрігерлері, заңгерлер, жүк тасымалдауға маманданған түрлі сала қызметкерлері еңбек етеді.




Ұлы дала ветеринариясының тарихы : Оқулық / Беркінбай,Омархан, Әбутәліп,Әспен, Шаяхметов,Нұрбек және т.б. - Алматы : Альманах, 2017. - 574 б.

Оқулық мынадай бөлімдерден тұрады: глоссарий; ветеринарияның даму кезеңдері, ежелгі әлем елдеріндегі ветеринарияның дамуы; орта ғасырлардағы ветеринария; ұлы даладағы халықтық ветеринария; ұлы далада ғылыми-тәжірибелік ветеринарияны ұйымдастыру; қазақ даласындағы мал шаруашылығы және індеттер; Қырғыз АКСР-ы ветеринариясы; Қазақ КСР-сы ветеринариясы; Қазақстан Республикасында жаңа экономикалық қатынастар кезеңінде ветеринарияның дамуы; Қазақстан Республикасының ветеринариясы.




Алимбекова,Гаухар Ақылбековна. Бухгалтерлік есепті компьютерлендіру : Оқу құралы / Алимбекова,Гаухар Ақылбековна, Жунисова,Гульнар Ерикқызы; Әл-Фараби атынд. ҚазҰУ. - Алматы: Қазақ университеті, 2017. - 170 б.

1С:Бухгалтерия бағдарламасының 8.2 нұсқасының барлық техникалық мүмкіндіктері мен ерекшеліктері ашып көрсетілген. Сонымен қатар, бухгалтерлік бағдарламаларда құжаттарды толтыруға және өткізуге байланысты мысалдар келтірілген.




Жартылай өткізгішті электронды аспаптар және өлшеу әдістері : Оқу құралы / Саймбетов, Ахмет Қуанышбаевич, Мухаметқали, Бауыржан Қалиғажыұлы, Джапашов, Нұрсұлтан Махмұдұлы және т.б.; Әл-Фараби атынд. ҚазҰУ. - Алматы : Қазақ университеті, 2017. - 352 б.

Бұл оқу құралында жартылайөткізгіштік аспаптар, жартылайөткізгіштік аспаптар құрылымы, оның ішінде жартылайөткізгіштік диодтар, биполярлық транзисторлар, өрістік транзистор, тиристорлар және жартылайөткізгіштік оптоэлектрондық элементтердің физикалық қасиеттері, қолдану аясы, зертханалық жұмыстар, қосу схемалары, зертханалық стендті үйрену және өлшеу әдістері қарастырылған.




Кенжебаев,Сағындық Жүнісұлы. Ғылым тарихы мен философиясы : Оқу құралы / Кенжебаев,Сағындық Жүнісұлы; Әл-Фараби атынд. ҚазҰУ. - Алматы : Қазақ университеті, 2017. - 284 б.

Оқу құралы ғылым тарихы мен философиясын зерттейтін мәселелерді алға тартады. Ғылыми ойдың тарихы, маңызы, ғылыми және философиялық тұжырымдамалар, ғылымның қоғам өміріне әсер етуімен байланысты мәселелер қарастырылады.




Ақпараттық -коммуникациялық технологиялар : Оқу құралы / Урмашев,Байдәулет Амантайұлы, Гусманова,Фарида Равиловна, Газиз,Гульнур Газизқызы және т.б.; Әл-Фараби атынд. ҚазҰУ. - Алматы : Қазақ университеті, 2017. - 390 б.

Заман талабына, оқыту үдерісін жетілдіре отырып қоғам сұранысына, жеке тұлғаны қалыптастыру мақсатына орай ақпараттық-коммуникациялық технологияларды қолдану тиімділігін осы оқу құралының көмегімен жеңілдетуге мүмкіндік бар. Сонымен қатар студенттерді ақпараттық-коммуникациялық технологиялардың негізгі идеясымен таныстыру, ақпараттық жүйе негізін үйрету, сол сияқты жергілікті желілер мен аймақтық-таратылған желілер туралы түсініктерін қалыптастыруға және жаңа технологиялар туралы ақпараттар алуға болады.




Аженова,Қарлығаш Султаналиевна. Тігін өндірісінің жабдықтары : Оқу құралы / Аженова,Қарлығаш Султаналиевна. - Астана : Фолиант, 2017. - 176 б.

Оқу құралында тігін өндірісінде қазіргі заман талаптарына сай құрастырылған тігін жабдықтарының түрлері жайында мәліметтер кестелер, сұлбалар, иллюстрациялар және сызбалар арқылы берілген. Сонымен қатар, студенттердің тақырыпты меңгеруін тексеретін сұрақтар мен тапсырмалар да қарастырылған.



Смағұлов, Жандос Қожахметұлы. XX ғасырдағы қазақ әдебиеттану ғылымы : Оқулық / Смағұлов, Жандос Қожахметұлы. - Астана : Фолиант, 2017. - 480 б.

Оқулықта қазақ әдебиеттану ғылымының тарихын зерттеп-зерделеу барысында тұжырымдалған негізгі мәселелерді оқыту басты нысанаға алынған. Ұлттық ғылыми-зерттеушілік ой-пікірдің өткен ғасырдағы әдеби мұраны игеру жолындағы зерттеулер жүйеленіп, қазақ әдебиеттануының туу, қалыптасу дәуірлері сараланған. Сол арқылы ұлттық әдебиет туралы ғылымның жеке сала ретінде қалыптасу жолындағы ізденістері мен іркілістері, жетістіктері мен кемшіліктеріне қазіргі кездегі өскелең талап деңгейінде баға берілген.




Диханбаева, Фатима Тоқтарқызы. Сүт және сүт өнімдерінің микробиологиясы : Оқу құралы / Диханбаева, Фатима Тоқтарқызы. - Астана : Фолиант, 2017. - 160 б.

Оқу құралында микроорганизмдердің тірі әлем жүйесіндегі орны, микроорганизмдер жүйелілігі мен номенклатурасы, бактериялар жіктелуі, пішіндері және қозғалуы, микроорганизмдер физиологиясы және тыныс алуы, сонымен қатар қоршаған ортаның адам өміріне маңызы қарастырылған.




Кишибекова, Галия Кабидолдаевна. Тәуекел-менеджмент: Оқу құралы / Кишибекова, Галия Кабидолдаевна, Абылайханова, Тана Абылайхановна; Нархоз ун-ті. - Алматы : Экономика, 2017. - 236 б.

Оқу құралы кәсіпкерлік қызметтің пайда алу мен шығындарының қысқаруының қажетті балансына қол жеткізуге бағытталған тәуекел-менеджменттің ең өзекті теориялық және тәжірибелік аспектілерін зерттейді. Тәуекелдер теориясының қалыптасу кезеңдері, олардың қызметі, тәуекелдер жіктемесінің негізгі қағидалары қарастырылады.




Дүйсебекова, Күләнда Сейтбекқызы. Деректер қоймасы: Оқу құралы / Дүйсебекова, Күләнда Сейтбекқызы; Әл-Фараби атынд. ҚазҰУ. - Алматы : Қазақ университеті, 2017. - 220 б.

Оқу құралында қатынастық деректер қорлары туралы жалпы түсініктер қарастырылып, модельдеріне сипаттама берілген. Деректер қорларын логикалық, инфологиялық және физикалық жобалау мәселелері қарастырылған. Деректер қорларымен жұмыс істеудің, оның ішінде басқарудың заманауи технологияларына толық сипаттама берілген.



Ақжігітов, Ерболат Әжімұлы. Жоғары математикадан есептер мен жаттығулар : Оқулық. 1-бөлім / Ақжігітов, Ерболат Әжімұлы, Тілепиев, Мұрат Шәпенұлы. - Астана : Фолиант, 2017. - 296 б.

Оқулықта сызықтық және векторлық алгебра элементтері, жазықтықтағы және кеңістіктегі аналитикалық геометрия, комплекс сандар, бір айнымалы функция, оның шектері, функциялардың дифференциалдық есептеулері, функцияны туындылар арқылы зерттеу, анықталмаған интегралдар, анықталған интегралдар және оны қолдану, меншіксіз интеграл бойынша қысқаша теориялық материалдар, олардың әрқайсысы үшін есептер мен жаттығулар берілген.




Жалпы физика курсы: Оқу құралы. 1-бөлім / Досаева, Биғайша Тойшыбековна, Қойшыбаев, Нұрғали, Жауғашева, Сауле Аманбаевна және т.б.; Әл-Фараби атынд. ҚазҰУ. - Алматы: Қазақ университеті, 2017. - 322 б.

Оқу құралы физика пәні бойынша оқытылатын дәрістің негізінде құрылған. Бұл оқу құралында «Механика. Молекулалық физика. Электродинамика» бөлімдердің тақырыптары бойынша барлық сұрақтармен қамтылған. Табиғаттағы іргелі заңдарға түсініктеме беріліп, кейбір тәжірибелер түсіндірілген.




Мусалимов, Теміржан Құлмұхамбетұлы. Сызба геометрия және техникалық сызу : Оқулық / Мусалимов, Теміржан Құлмұхамбетұлы, Қолбатыр, Серік Әбдікәрімұлы. - Астана: Фолиант, 2017. - 336 б.

Кітапта болашақ мамандардың графикалық дайындығының теориялық-әдіснамалық негіздеріне, графикалық пәндерді заманауи білім технологиясына және графикалық есептерді шешу әдістемесі мазмұнын меңгеруге ерекше назар аударылған. Сонымен қатар, жұмыста бейнелеу теориясының негізгі мәселелері және кешенді сызбаның пайда болуы, заттарды сызда бейнелеу тәсілдері, байланыстыру түрлері мен жалғастырулар, қарастырылады.



Тілдерді оқытудың тиімді әдіс-тәсілдері / Құрастырғандар: З.Қожакеева, Ж.Елесбаева, М. Болысбекова. - Талдықорған: Алматы облысының «Тіл» оқу-әдістемелік орталығы МКМ, 2017.- 88 б.

Оқу құралында берілген әдіс-тәсілдер оқытушылардың тілді меңгертудегі тәжірбиесі негізінде құрастырылған. Сондай-ақ, еңбекте тіл үйренушілер деңгейіне сәйкес түзілген сабақ үлгілері берілген.



Құламанова, Зиба. Тастағы Тараз тарихы: Кітап-альбом / Құламанова, Зиба. - Алматы: Аспантау, 2017. - 480 б.

Бұл кітапқа екі мың жылдан астам тарихы бар, көне түркі жұртының шаруашылығы мен мәдениетінің үлкен ошағы болған, тарихи ескерткіштер көп орын тепкен Тараз өңірінің киелі, қасиетті орындары жайлы ғалым Зиба Құламанованың зерттеу мақалалары еніп отыр. Әсіресе түркі жұрты тарихында айрықша орны бар Қарахан, Айша бибі, Бабаджа хатун т.б. көне ескерткіштер жайлы мәліметтер мен мағлұматтардың құндылығы өте жоғары. Бұл өңірден ел бастаған би-шешендер, қазақ жерінің азаттығы жолында жан аямай күрескен талай-талай батырлар шыққан.




Ештанаев, Ғазиз. Уық шаншылған Ұлытау: Кітап-альбом / Ештанаев, Ғазиз, Мырзабеков, Батырбек, Смағұл, Сара. - Алматы: Аспантау, 2017. - 312 б.

Бұл кітапқа қазақ елі мен жерінің біртұтас мемлекет болып қалыптасуында аса зор маңызға ие Орталық Қазақстан, оның ішінде қасиетті Ұлытау өңірінің ежелгі тарихы жөнінде, сол өлкеден орын тепкен Алаша хан, Жошы хан т.б. тарихи ескерткіштер, кесенелер, қасиетті орындар жайлы зерттеу мақалалар жинағы еніп отыр. Ежелгі Орталық Қазақстан өңірі тарихи ескерткіштер көп кездесетін өлке. Бұл өлке - ежелгі дала өркениетінің, шаруашылығының мәдениетінің алтын бесігі іспетті.




Көшімова, Бибатпа. Үстірттегі көненің іздері : Кітап-альбом / Көшімова, Бибатпа. - Алматы : Аспантау, 2017. - 536 б.

Қазақ жерінің батысында орналасқан ежелгі Маңғыстау өңірінің қойнауы тұнған тарих десе де болғандай. Бұл өлкеден есімдері халық жадында сақталған би-шешендер, қол бастаған батырлар, от ауызды орақ тілді ақын-жыраулар шыққан. Еңбектен осынау киелі де шежірелі өңірдің көне тарихы, сол өлкеден шыққан Пір Бекет ата бастаған әулиелер жайлы, осы маңда орын тепкен көне ескерткіштер туралы ғалым-зерттеуші Бибатпа Көшімованың құнды да қызғылықты ғылыми-зерттеу мақалалары орын алған.



Ахметбек, Бақытжан. Сыр ескерткіштері: Кітап-альбом / Ахметбек, Бақытжан. - Алматы : Аспантау, 2017. - 304 б.

Бұл кітапта Бақытжан Ахметбектің ежелгі **Сыр** өңірінің қасиетті киелі орындары, осы өлкеден шыққан топ бастаған от ауызды, орақ тілді айтулы би-шешендер, қол бастаған батырлар мен дүлдүл ақын-жыраулар, әулие-әнбиелер, тарихи ескерткіштер мен кесенелер жайлы ғылыми-зерттеу мақалалары топтастырылған. Әсіресе, түркі әлеміндегі ірі тұлға болып табылатын Қорқыт Ата жайлы зерттеулері тың әрі қызықты.



Ілиясова, Рысжан. Шежірелі Ақтөбе: Кітап-альбом / Ілиясова, Рысжан. - Алматы: Аспантау, 2017. - 752 б.

Бұл жинақта Ақтөбе өңіріндегі қасиетті мекендер, осы аймақтағы тарихқа қатысты айшықты әңгімелер, ел есіндегі арыстар жайындағы көптеген құнды дүниелер сөз болған.



Шоқай, Ералы. Отырар алқабындағы қасиетті орындар: Кітап-альбом / Шоқай, Ералы, Пәрменқұл, Сәбит. - Алматы: Аспантау, 2017. - 560 б.

Бұл жинаққа **Отырар алқабындағы** қазақ тарихы үшін айырықша орны бар **қасиетті орындар** мен киелі жерлер, атақты тарихшылар мен ғұлама ғалымдар жайлы ғылыми-зерттеу мақалалар еніп отыр. Қазақ елінің ортағасырлар кезеңіндегі мәдениетіне, шаруашылығына, рухани өміріне байланысты ежелгі қалалардың орнындағы қазба жұмыстары халқымыздың өткенін танып-білуге көп пайдасын тигізуде.




Тасполатов,Бақыт. Басында Қазығұрттың кеме қалған : Кітап-альбом / Тасполатов,Бақыт. - Алматы : Аспантау, 2017. - 304 б.

Ғалым-зерттеуші Бақыт Тасполатовтың бұл кітабына Оңтүстік Қазақстанның киелі де қасиетті орындары жайлы зерттеу мақалалары еніп отыр. Автор көне Қазығұрт баурайындағы ежелгі жер-су атаулары, халық сан ғасырлардан бері кие тұтып келе жатқан әулиелер, тарихи тұлғалар жайлы нақты мәліметтер мен деректерге сүйене отырып баяндайды.



Бияров,Бердібек. Алтай. Алтын бесік : Кітап-альбом / Бияров,Бердібек. - Алматы : Аспантау, 2017. - 560 б.

Бұл кітапқа ғалым Бердібек Бияровтың кең-байтақ қазақ өлкесінің қасиетті Алтай, Семей өңірлерінің аңыз бен жырға, тылсым сырларға толы киелі орындары мен қасиетті жерлері жайлы танымдық мақалалары еніп отыр. Алтай өңірінің түркі жұрты өркениетінің қалыптасуындағы орны айрықша. Оны сол аймақта жүргізілген археологиялық қазба жұмыстары да нақтылай түседі. Автор осы аймақтағы қасиетті де киелі орындар жайлы нақты тарихи мұрағаттық деректерге сүйене отырып тың дүние жасаған.



Мусаева, Гульбагиза Абласымовна. Қазақ тілі-шет тілі ретінде: Оқу құралы. 1-кітап : Базалық деңгей / Мусаева, Гульбагиза Абласымовна; Әл-Фараби атынд. ҚазҰУ. - Өңделіп толықтырылған. - Алматы : Қазақ университеті, 2017. - 244 б.

Оқу құралы тіл үйренушінің тілдік қарым-қатынас күзиретін қалыптастыруға арналған. Мұнда сөйлеу тілінің бүкіл аспектісі тыңдалым, оқылым, жазылым, сөйлесім бір-бірімен байланыста өрбіп, тіл үйренушінің коммуникативтік талаптарына сай құрастырылған. Оқу құралының құрылымы мен материалдарын беруде автор тілді шет тілі ретінде оқыту әдістемесінің заманауи тәсілдерін қолданған.




Мусаева, Гульбагиза Абласымовна. Қазақ тілі-шет тілі ретінде: Оқу құралы. 2-кітап: Жалғастырушы деңгей / Мусаева, Гульбагиза Абласымовна; Әл-Фараби атынд. ҚазҰУ. - Өңделіп толықтырылған. - Алматы: Қазақ университеті, 2017. - 138 б.

Жалғастырушы деңгейге арналған бұл оқу құралы базалық деңгейде қалыптасқан тілдік дағдыларды одан әрі дамытып, түрлі тақырып аясында тілдік қарым-қатынас күзирет қалыптастыруға арналған. Әлеуметтік-тұрмыстық, әлеуметтік-мәдени салалар бойынша таңдап алынған тілдік материал және оны меңгеруге қажетті күрделі тілдік құрылымдар тіл меңгерушінің сөздік қорын көбейтіп, өз ойын еркін, жоғары деңгейде жеткізуге үйретеді.




Сартқожаұлы, Қаржаубай. Тас кітаптың құпиясы / Сартқожаұлы, Қаржаубай. - Астана, 2017. - 383 б.

Еңбекте профессор, доктор Қаржаубай Сартқожаұлының көшпелілер мәдени құндылықтарына соңғы жылдары жасалған ғылыми мақалалары жинақталған. Оның ішінде: көшпелілер тарихы, дүниетанымы, идеологиялық құндылықтары, ру-тайпалық жүйе зерттелуімен қатар, тас бетіндегі ежелгі хунну жазулары және археологиялық қазба мұралардан табылған көне түркі мәтіндері.



«Тіл біліміндегі цифрлық технологиялар: қазақ тілінің ұлттық корпусын құру» атты профессор Аскар Құдайбергемұлы Жұбановтың 80 жасқа толған мерейтойына арналған халықаралық ғылыми-теориялық конференция материалдары. - Алматы: Тіл білімі институты. 2017. - 385 б.




Тулегенова,Макпал Бахитовна. Комплекс айнымалы функциялар теориясы және амалдық есептеу: Оқу құралы /Тулегенова,Макпал Бахитовна, Койлышов,Умбеткул Курманкулович; Әл-Фараби атынд. ҚазҰУ. - Алматы: Қазақ университеті, 2017. - 322 б.

Оқу құралында комплекс айнымалы функциялар теориясы және амалдық есептеу пәнінің негізгі анықтамалары мен теоремалары қысқаша беріліп, есептерді шығаруға көбірек көңіл бөлінген. Әр параграфтан кейін студенттердің өздері шешуі үшін жаттығулар және кітаптың соңында олардың жауаптары көрсетілген. Бұл еңбек авторлардың көптеген жылдар бойы әл-Фараби атындағы Қазақ ұлттық университетінде оқыған дәрістерінің негізінде жазылған.




Тұрлыбекова, Жұмагүл Арапбайқызы. Менің алғашқы 500 сөзім / Тұрлыбекова, Жұмагүл Арапбайқызы. - Астана, 2017. - 124 б.

Тіл үйрету құралында балаларға қазақ тілін үйрету мақсатында жекелеген атаулар мен ұғымдар үш тілде, яғни қазақ, ағылшын және орыс тілдерінде ұсынылды. Сондай-ақ, бүлдіршіндердің үш тілді тез, әрі оңай меңгеруі үшін жеке сөздер мен сөз тіркестері суреттер арқылы берілген.




Бәкір, Әбдіжәлел Қошқарұлы. Тіл тұғыры / Бәкір, Әбдіжәлел Қошқарұлы. - Астана, 2017. - 176 б.

Бұл кітапқа мемлекеттік тілдің саяси құқықтық және әлеуметтік мәселелерін сарапқа салып, оның қолданыс аясын кеңейте түсу турасында тұрақты қалам тартып келе жатқан ғалым-профессордың соңғы жылдары баспасөз беттерінде жарияланған мақалалары мен ғылыми-тәжірибелік конференция, семинарларда сөйлеген сөздері, азаматтық пікірлері мен ұсыныстары топтастырылған.




Он томдық шығармалар жинағы. Т.4: Аудармалар / Жиенбаев, Сағи. - Алматы: Мереке, 2017. - 400 б.

Армян елінің інжу-маржаны болып табылатын "Давид Сасунский" халық эпосын көрнекті ақын **Сағи Жиенбаев** қазақ тіліне шебер аударған еді. Ақынның таңдамалы шығармалар жинағының IV-томына осы эпос еніп отыр.




Қазақ халық әндері / Құраст.: Мереке Құлкенов. - Алматы: Мереке, 2017. - 160 б.

Бұл жинаққа қазақ халқының сүйіп шырқайтын, жұртшылыққа кең тараған халық әндері кіріп отыр.




Қазақ халық композиторларының әндері / Құраст.: Мереке Құлкенов. - Алматы: Мереке, 2017. - 224 б.

Бұл жинаққа ел арасына кең тараған халық композиторларының әндері кірді. Кітап қазақ әндерін сүйетін жалпы жұртшылыққа арналады.



Жанибеков, Ақынқожа Қаленұлы. Сотқа дейінгі тергеп-тексеру барысында дәлелдемелерді бағалаудың теориялық және тәжірибелік мәселелері : Монография / Жанибеков, Ақынқожа Қаленұлы; Әл-Фараби атынд. ҚазҰУ. - Алматы: Қазақ университеті, 2017. - 180 б.

Бұл монографиялық еңбекте Сотқа дейінгі тергеп-тексеру барысында дәлелдемелерді бағалаудың теориялық және тәжірибелік мәселелері қарастырылады. Дәлелдемелерді бағалауға, онымен сабақтас терминдер мен ағымдарға түсінік және анықтама беріле отырып, аса өзекті қоғамдық мәселелер жан-жақты қозғалады әрі талқыланады. Сонымен қатар, сотқа дейінгі тергеп-тексеру барысында дәлелдемелерді бағалау еркіндігін шектейтін факторлар анықталып, оларға сипаттама беріледі.



Бектемесов, Мақтағали Әбдімәжитұлы. Сандық әдістер: Оқу құралы / Бектемесов, Мақтағали Әбдімәжитұлы, Гусманова, Фарид Равильқызы, Тұрғанбаева, Алма Рымбекқызы; Әл-Фараби атынд. ҚазҰУ. - Алматы : Қазақ университеті, 2017. - 252 б.

Ұсынылып отырған оқу құралында әр түрлі қолданбалы есептерді шығаруда қолданылатын сандық әдістер туралы негізгі қажетті мәліметтер білім алушыларға түсінікті әрі ғылыми тілде келтірілген. Оқу құралындағы сандық әдістер үшін блок-сызбалар қарастырылды.




Тусупбекова, Гульмира Аблаевна. Қызыл сүйек кемігі мен шеткері қан клеткаларының морфологиясы мен физиологиясы : Оқу құралы /Тусупбекова, Гульмира Аблаевна; Әл-Фараби атынд. ҚазҰУ. - Алматы : Қазақ университеті, 2017. - 158 б.

Оқу құралында қызыл сүйек кемігі мен шеткері қан клеткаларының морфологиясы, физиологиясы, олардың даму сатылары және қанның пішінді элементтерінің жеке морфологиясымен бірге қызметтері, физикалық, химиялық қасиеттері. Қан жүйесі клеткаларына қоршаған орта факторларының әсерлері кезіндегі олардың құрылымдық-қызметтік өзгерістері баяндалған.




Қазақ сөзі.1200 сөз : Оқу-әдістемелік құрал / Е. Тілешов, Л. Есбосынова, М. Дәрменова. - Астана, 2017. - 176 б.

Бұл оқу-әдістемелік құрал қазақ тілінің жиі қолданылатын лексикалық минимумына негізделген. Қазақ тілін базалық деңгейде меңгеруге арналған оқу-әдістемелік құрал 1200 сөзді қамтитын 15 сабақтан тұрады. Оқу құралында сөздер мен сөз тіркестерін, сөйлем үлгілерін тақырыбына сәйкес мағынасы мен қолданылу аясына арай дұрыс пайдаланудың тиімді тәсілдері ұсынылады.




Қалыбеков,Тұрсын. Мұнай және газ кенорындарын игерудегі маркшейдерия : Оқулық / Қалыбеков,Тұрсын, Жаркимбаев,Бахит Молдагалиевич. - Астана : Фолиант, 2017. - 296 б.

Кітапта мұнай-газ кәсіпшілігіндегі маркшейдерлік қызметтің атқаратын міндеттері, мұнай және газ кенорындарының геологиясы туралы қысқаша мәліметтер, кенорнын жайғастыру мен игерудің технологиясы келтірілген. Кенорнын игеру кезіндегі геодезиялық-маркшейдерлік тірек тораптарының дамуы, ұңғымаларды бұрғылаудағы маркшейдерлік жұмыстар, геодинамикалық жағдайды зерделеу және геодезиялық өлшеулер тәсілдері, мұнай-газды тасымалдаудағы құбырлар құрылысының маркшейдерлік жұмыстары, кәсіпшіліктегі құрылыс нысандарын салу мен кенорнын геометрияландырудағы маркшейдерлік жұмыстар жан-жақты баяндалған.



Бейжанова, Анара Тұрсыналиевна. Маркетингтің заманауи бағыттары : Оқу құралы / Бейжанова, Анара Тұрсыналиевна; Әл-Фараби атынд. ҚазҰУ. - Алматы : Қазақ университеті, 2017. - 178 б.

Маркетингтің заманауи бағыттары оқу құралында маркетингтің заман талабына сай қалыптасқан және қазіргі кезде белсенді түрде дамып келе жатқан маркетингтің жаңа бағыттары мен технологиялары қарастырылған, атап айтқанда инновациялық маркетинг, интерактивті маркетинг, сарафанды маркетинг, партизандық маркетинг, вирустық маркетинг, интернет маркетинг, латералдық маркетинг, трейд-маркетинг, мерчандайзинг, СКМ-технология, қарым-қатынас маркетингі.




Джаншанло, Рамзан Есарович. Қаржылық талдау : Оқу құралы / Джаншанло, Рамзан Есарович, Байдаулетов, Мади, Актуреева, Эльмира Аширбековна; Әл-Фараби атынд. ҚазҰУ. - Алматы : Қазақ университеті, 2017. - 288 б.

Оқу құралында қаржылық талдаудың әртүрлі аспектілері ашып көрсетілген. Қаржылық талдау, ақша ағындары, іскерлік белсенділік, ұйымның қаржылық нәтижелері және инвестициялық қызметтеріне қатысты сұрақтары егжей-тегжейлі қаралған. Қаржылық талдау әдістері қазіргі заманның акпараттар базасынын ерекшеліктерін ескере отырып нақты мысалдарда көрсетілген.




Павлов, Павел Васильевич. Қатты дене физикасы: Оқу құралы. 1-кітап / Павлов, Павел Васильевич, Хохлов, Александр Федорович; Қазақ тіліне ауд.: Қ.А.Тауасаров, Б.З.Мансуров; Әл-Фараби атынд. ҚазҰУ. - Алматы : Қазақ университеті, 2017. - 332 б.

Қатты дене физикасының бірінші кітабында кристалдың құрылымы және оны анықтаудың тәсілдері, атомаралық өзара әсерлесу, қатты денелердегі негізгі байланыс типтері, қатты денелердің ақаулары, қатты денелердің механикалық қасиеттері, кристалдық тордағы атомдардың тербелісі, қатты денелердің жылулық қасиеттері туралы толық мәліметтер берілген.




Тоқсанбаева, Нүргүл Қорғаджанқызы. Психологияны оқыту әдістемесі : Оқу құралы / Тоқсанбаева, Нүргүл Қорғаджанқызы; Әл-Фараби атынд. ҚазҰУ. - Алматы: Қазақ университеті, 2017. - 194 б.

Оқу құралында психологияны оқытудың әдістері мен теориялары, оқу іс-әрекеті, дамыта оқыту, белсенді оқыту жүйесі қамтылған. Сондай-ақ студенттердің психологиялық кәсіби қорының бағыттылығын қалыптастыруға белсенді әдістерді қолдану негізіндегі сабақтардың барлық тәжірибе түрлері (дәріс, семинарлар, тәжірибе және зертханалық сабақтар) тәжірибелік іс-әрекеттегі теориялық білім арқылы қарастырылған.



Ким, Людмила Михайловна. Саяси маркетинг: Оқу құралы / Ким, Людмила Михайловна, Ақболат, Динара Есенгелдіқызы, Мәлік, Ғалым Алауидиұлы; Әл-Фараби атынд. ҚазҰУ. - Алматы: Қазақ университеті, 2017. - 246 б.

"Саяси маркетинг" атты оқу құралы бәсекеге сай саясаттанушы мамандарды даярлау жүйесінде маңызды элемент болып табылады, сол сияқты отандық саяси маркетингтардың кәсіби мәдениеті мен білімін жетілдіруге ықпал етуге септігін тигізеді.




Тоқтабаева, Әсел Қырғызбайқызы. Сыр-бояу материалдарының химиясы мен технологиясы: Оқу құралы / Тоқтабаева, Әсел Қырғызбайқызы, Нұрлыбаева, Айша Нұрлыбаевна; Әл-Фараби атынд. ҚазҰУ. - Алматы : Қазақ университеті, 2017. - 230 б.

Оқу құралында сыр-бояу материалдарының құрамдастары, түрлері, физика-химиялық қасиеттері туралы жалпы түсінік, сыр-бояу материалдарын алуда қолданылатын технологиялары қарастырылған.



Авакян, Вячеслав Вениаминович. Қолданбалы геодезия: Оқу құралы / Авакян, Вячеслав Вениаминович, Касымканова, Хайни-Камаль Михайловна, Жангулова, Гульнар Кабатаевна; Әл-Фараби атынд. ҚазҰУ. - Алматы: Қазақ университеті, 2017. - 248 б.

Оқу құралында инженерлік-геодезиялық жұмыс орындау түрлері негізінде болашақ мамандарға инженерлік ізденістер, теориялық және практикалық негізде білім беру, жобаларды жергілікті жерлерге көшіру, құрылыстар мен ғимараттарды салу кезінде геометриялық талаптарға сай геодезиялық камтамасыз ету, технологиялық құрылғыларды жөндеу және құрастыру әдістері қарастырылған.



Алтай Халифа Ғақыпұлы: Биобиблиографиялық көрсеткіш / Құраст.: Г.Н. Балтабаева, С.Е. Әжіғали, С.С. Қорабай, Ғ. Ғаббасұлы, Р.С. Қожахметов, К.М. Қоңырбаева, Абд.Х. Алтай. - Алматы, 2017. - 249 б.: портр.

Бұл көрсеткіш «Қазақстан ғалымдарының биобиблиографиясы» сериясының жалғасы. Биобиблиографияға Халифа Алтайдың өмірі мен шығармашылық қызметі және оның еңбектері туралы материалдар, ол туралы жазылған әдебиеттер енгізілген.




**ЯССАУИ ФЕНОМЕНИ
ОТБАСЫ ХРЕСТОМАТИЯСЫ. / Авторлар: С.Керімбай,
М.Төлеген, Ә.Нәби, А.Тасболат. - Алматы: «Орхон» Баспа үйі, —
2017. —456 бет.**

Кітапта Кожә Ахмет Яссауи жайлы тың қисса-аңыздар енгізілген. Хикметтері экзистенциялық формада жаңаша талданады. Ислам мен түркі мәдениетінің өзара синтезге түсіп, Түркі-Ислам өркениетінің қалыптасу жолдары баяндалады. Яссауи ілімі мен дүниетанымы жайлы толғанады. Тәуелсіз Қазақстанның 26 жылдағы әлеуметтік-рухани саласына экзистенциялық талдау жасалады.




Уатқан Жарқынбай. Жырақта қалған жылдар (публицистикалық хикаят) У.Жарқынбай. -Алматы: - 2017 жыл.176 бет.

Кітапта автордың 1955 жылы Ұланбатыр қаласында университет бітірген кезден бастап, 1991 жылы зейнет демалысына шыққанға дейінгі аралықта өз басынан кешірген өмірінің тәжірибесі мен қоғамдық өмірдегі күрес жолының ең маңызды деген тұстары туралы баяндалады. Әсіресе, дәрігерлік өміріндегі басынан кешіргендері, ақ халатты абзал әріптестері мен өзімен бірге бір дәуірде қоғамдық саяси істерде қызмет атқарған жолдас-жоралары туралы сыр шертеді. Кітапты Моңғолия қазақтарының денсаулығын сақтауға ересен еңбек сіңірген медицина қызметкерлеріне арналған ескерткіш деп қабылдауға болады.




АЛАШ ҚОЗҒАЛЫСЫ. Балаларға арналған анықтамалық. Е.Тілешов, С.Жұмағұлов, Қ.Кемеңгер, Е.Алшынбай. - Алматы: ЖК «ІпІегВезСотрапу», 2017. - 152 бет.

Балаларға арналған бұл жинаққа Алаш қозғалысының басталуы, барысы, ұлттық маңызы, қайраткерлері туралы мақалалар енгізілген. Қазақтың азаматтық және рухани тарихындағы ең үлкен ұлт-азаттық қозғалыстың жалпы мазмұны, оның негізгі тұлғалары туралы мағлұматтар еркін, танымдық стильде ұсынылып отыр.






МҰРТАЗА Ш. Таңдамалы. Әңгімелері, хикаяттары, мақалалары, роман, пьесалары: Ш. Мұртаза. - Алматы: "Айғаным" баспа үйі, 2017. - 1116 бет.

Қазақ әдебиетіне Сәбит, Ғабит, Ғабиден бастаған алыптар шоғырының ізін ала келген үркердей топтың көрнекті өкілдерінің бірі, белгілі көркемсөз шебері, қоғам қайраткері Шерхан Мұртазаның бұл жинағына әңгімелері, хикаяттары, драмалық туындылары, бірді-екілі романдары еніп отыр "Әдебиет - ардың ісі" дегендей, бүкіл шығармашылық ғұмырында жазу өнеріне соншалықты жауапкершілікпен, ыждағаттылықпен қарап көркемдіктің биік шыңын бағындыра білген айтулы қаламгердің туындылары қазақ әдебиетінің алтын қорына қосылды десек, артық айтқандық емес.



Абдильдин С.А. Ұстаз. Педагог. Серикболсын Абдильдин; Құрастырушылар: Е.Бапи және Б.Мәкімбай. Алматы, 2017.-256 б.

Оқырмандар назарына ұсынылып отырғани кітап белгілі мемлекет және қоғам қайраткері Серікболсын Әбділдиннің соңғы жылдары негізнен «ДАТ» газетінде жарияланған мақалалар жинағы. Бұл жинақ үш тараудан тұрады. Бірінші тарауда автордың жастық шағы және кәсіби маман болып қалыптасуы туралы баяндалады, екіншісінде - профессордың ұстаздық іс-әрекеті қамтылады, ал үшінші тарауда ғалым-агрономның жер мен елге деген ықыласы топшыланады.



ҚАЗАҚТЫҢ ЭТНОГРАФИЯЛЫҚ КАТЕГОРИЯЛАР, ҰҒЫМДАР МЕН АТАУЛАРЫНЫҢ ДӘСТҮРЛІ ЖҮЙЕСІ Энциклопедия. -Алматы:



ТОО «Алем Даму Интеграция», 2017 (иллюстрацияланған)

1-том: А-Б-856 бет.

2-том: Г-З-848 бет.

3-том: Г-З-856 бет.

Энциклопедия дәстүрлі қазақы (көшпелі) ортадағы қоғам, адам және қоршаған табиғи ортаның арасындағы сан-салалы қатынастардың субъектілерін, объектілерін, сондай-ақ, осы қатынастардың жүзеге асырылу жолдары мен механизмін (ілкімді принциптері мен нормаларын) бейнелейтін этнографиялық категориялар, ұғымдар мен атауларды қамтиды. Тиістісінше олардың этнографиялық мән-мағынасы сипатталады.




ҚАЗАҚТЫҢ ЭТНОГРАФИЯЛЫҚ КАТЕГОРИЯЛАР, ҰҒЫМДАР МЕН АТАУЛАРЫНЫҢ ДӘСТҮРЛІ ЖҮЙЕСІ Энциклопедия. - Алматы:

ТОО «Алем Даму Интеграция», 2017 (иллюстрацияланған)

4-том: Қ-Ө-832 бет.

5-том: П-Я-816 бет.

Энциклопедия дәстүрлі қазақы (көшпелі) ортадағы қоғам, адам және қоршаған табиғи ортаның арасындағы сан-салалы қатынастардың субъектілерін, объектілерін, сондай-ақ, осы қатынастардың жүзеге асырылу жолдары мен механизмін (ілкімді принциптері мен нормаларын) бейнелейтін этнографиялық категориялар, ұғымдар мен атауларды қамтиды. Тиістісінше олардың этнографиялық мән-мағынасы сипатталады.




Қазақстанның 70 тарихи орны (*Тарихи және географиялық орындардың суретті энциклопедиясы*). - Алматы: «Керемет медиа», 2017. -224 бет.

Бұл жинаққа еліміздің тарихи және географиялық ең байырғы атаулары енгізілді. Жинақтан орын алған атаулар сан ғасырлық қазақ тарихында айрықша маңызға ие болған. Олар небір тарихи оқиғаға, кезеңге байланысты немесе ерте дәуірлерден бері ұлтқа қоныс болған қасиетті мекендер. Қазіргі Қазақстан ономастикасын қалыптастыруда бұл атауларды көшелерге, нысандарға беру жалпы мемлекеттік, патриоттық сана-сезім қалыптастыруға оң ықпал етпек.



Қазақ тілі сабағында қолданылатын ойын түрлері: Ойындар жинағы (Бастауыш деңгей А1, А2). - Тараз, 2017. - 75 бет.


Түрлі этнос өкілдеріне мемлекеттік тілді тартымды, қызықты, сапалы меңгертуге бағытталған бұл жинақты оқытушылар көмекші құрал ретінде пайдалана алады. Мұнда тақырыптық, топтық, рөлдік, грамматикалық ойындар жинақталған. Еңбек мұғалімдер, әдіскер және топ үйренушілерге арналған.



ЖЕҢІСҰЛЫ Е. Шуақ: Өлендер және әңгімелер - / Е. Жеңісұлы - Алматы: «ҚАЗАҚПАРАТ», 2017 - 240 бет.


Ақын Есей Жеңісұлының бұл жинағына автордың заман тынысын, уақыт лебін сездіретін сыршыл да ойшыл өлең-жырлары және бір топ әңгімелері еніп отыр.

Жас болса да өзіндік қолтаңбасы қалыптасып қалған қаламгердің туындылары дәуірге үн қосып, шыншылдығымен, шынайылығымен ерекшеленеді.



НҰРМАҒАМБЕТОВ Ө. Сағындым сені: - Өлендер./Ө. Нұрмағамбетов — Алматы: «ҚазАқпарат», 2017 — 288 бет.

Бұған дейін де бірнеше жыр жинақтары жарық көріп, әдеби сын мен оқырмандардың жылы ықыласына ие болған ақын Өтеген Нұрмағамбетовтің аталмыш жаңа кітабына уақыт, заман, дәуір тынысын сездіретін ойлы да салмақты өлең-жырлары еніп отыр.




Көшенова Б.А. Ақша, несие, банктер. Валюта қатынастары: оқу құралы. / Б.А. Көшенова. - Өнд., толықг. - 2-бас. - Алматы: КагBookTrade, 2017. -312 б.

Оқу құралында аша, несие, банктер мен бағалы қағаздарға байланысты өндірістік қатынастар дамуының негізгі бағыттары және банк жүйесінің қалыптасу жолдары талданады. Қазақстан Республикасының нарықтық экономикаға өту барысында ақша-несие және валюта қатынастарының әр түрлі үлгілері, сонымен қатар, қаржы-несие және валюта-несие институттарының құрылуы мен дамуының барысы, Қазақстанға шетел инвестицияларын тарту проблемалары қарастырылады.




ӘДІСТЕМЕ ӘЛЕМІ. Ғылыми-әдістемелік жинақ. Кұраст.: Тұрлыбекова Ж.А, Каюпова Ұ.К., Аманов С. - Астана: Ш.Шаяхметов атынд. тілдерді дамытудың респ. үйлестіру-әдіст. орт., 2017. - 282 бет.

Жинақта белгілі әдіскер ғалымдардың, тіл үйрету орталықтары әдіскерлерінің, жоғары оқу орындары оқытушыларының ғылыми-әдістемелік мақалалары және оқу бағдарламалары енгізілді.



Дүйсенбі А. Аңыздар мен абыздар / А. Дүйсенбі. - Астана: Фолиант, 2017.-320 бет.

Ғылыми жинақта аңыздық тұлғалар мен тарихи заманалар шежіресін, ел мен жердің сырлы құпиясын баяндайтын ғылыми ойтолғаулар мен ел жадындағы ескі әңгімелердің мәтіндік нұсқалары топтастырылып сараланған.



Әлімқұлов Қ. Көп томдық шығармалар жинағы. 2-том. Бойтұмар. Алматы «Балалар әдебиеті» баспасы.- 2008. – 168 бет.

Автордың бұл жинағына әр жылдарда жазған прозалық шығармалары еніп отыр. «Атар таңның арайы» деп аталатын алғашқы бөлімге түрлі-түрлі тақырыптарды қамтыған әңгімелері топтастырылған.